

Ro Mataana Kana Ta Petrus Ibeede

¹ Nio Petrus, n̄goŋana ki Yesu Krisi. An̄beede ro ti ima piom wal tau kombot leŋaleŋa pa lele pakan ki Pontus, Galesia, Kapadosia, Asia, mi Bitinia, mi Anutu ipeikat yom ma kewe lene kek. Niom tina kewe leembe men pa toono ti. ✧ ² Tamen Tamanda Anutu leleene iur piom ta muŋgu kek be ikam yom ma kewe lene, mibe uraata ki Bubun̄ana itooro yom ma kewe potom̄oyom. Naso koto Yesu Krisi, mi ni siŋiini ipus yom ma keŋgeeze. ✧

Kampeŋana mi mbot̄ana ambaiŋana ta Anutu ikamam piti i ko izze tiom ma biibi. Nonoono.

Anutu ikam ti ma tewe popoŋanda, tanata tu'urur matanda pa mbot̄ana mata yaryaaraŋana

³ Iti tapakur Anutu tau Merere kiti Yesu Krisi Tamaana na. Pa ni imuŋai iti biibi, mi ipei Yesu Krisi ma iman̄ga mini pa naala, bekena ikam ti ma tewe popoŋanda. Naso zanda be takam mbot̄ana mata yaryaaraŋana. Tanata koozi tu'urur matanda pa mbot̄ana tana ma tombotmbot. ✧ ⁴ Matamur ambaiŋana ta Anutu iur piom be kakam, ina iŋgeeze men. Mi irao isaana, som imap na som. Pa Anutu itunu imborro ma izza yom ta saamba a. ✧ ⁵ Mi urlaŋana tiom ta iwe zaala piom ma Anutu mburaana iporoukalkaala yom. Mi ni ko ikamam ta kembei ma irao kere

✧ **1:1:** Pil 3:20; Ibr 11:13+; 1Pe 1:17 ✧ **1:2:** Ro 8:29; 2Tes 2:13; Ibr 12:24 ✧ **1:3:** Yo 3:3; Ep 1:17+; 1Pe 1:23+ ✧ **1:4:** Kol 1:5,12; 2Tim 4:8

kat ulaaŋa biibi tabe ni iswe ma ipet mat pa mben kaimer i. Ulaaŋa tana, ni iparaŋraŋ piom pataaŋa kek.✧

⁶ Nonoono. Koozi, niom ko leleyom ipata. Pa inŋi toomboŋana matakiŋa izze tiom. Tamen toomboŋana tana, Anutu imborro. Mi ko imbot ma molo som. Mi niom kakamam ŋgar pa Anutu muŋaiŋana kini mi koron ambaiŋana ta ku'urur motoyom pa i, tanata ikam yom ma leleyom ambai ma ambai kat.✧ ⁷ Kere: Pat gol, ina koron zaanaŋana. Tamen irao imbot ma alok na som. Sombe tiurpe, na tineneene pa you, bekena ikan ka muk ma ila lene mi inŋeeze kat. Mi urlaŋana tiom na, koron biibi kat. Ilip pa gol. Tanata Anutu izem toomboŋana pakan ma tiwedet piom, bekena itoombo urlaŋana tiom mibe ipenŋeeze, kembei ta you ikamam pa gol na. To urlaŋana tiom iwe koron ŋonoono. Mi sombe Anutu iswe Yesu Kriŋi ma ipet mat, nako ipakur yom ma zoyom iwe biibi.✧

⁸ Nonoono, niom kere Kriŋi ki motoyom pasa zen. Tamen kuurla kini mi ku'urur kat leleyom pini. Mi ina ta ikam yom ma tau leleyom ndabok ma ndabok kat! Sombe koso sua pa, na som. Pa sua sa irao som.✧ ⁹ Pa niom kuurla kembei kaimer, Anutu kola ikamke yom. Mi kerre tenten ka ŋonoono kek.✧

Muŋgu Anutu kwoono bizin tizzo sua pa uraata ki Kriŋi

✧ **1:5:** Yo 10:28+, 17:11+; Yud 1 ✧ **1:6:** Mt 5:12; Ro 12:12; 2Kor 4:17, 6:10; 1Pe 5:10 ✧ **1:7:** Mbo 66:10+; 1Kor 3:12+; Yems 1:3
 ✧ **1:8:** Yo 20:29; 2Kor 5:7; Ibr 11:27 ✧ **1:9:** Ro 6:22

10-11 Ulaŋa biibi mi kampeŋana tabe Anutu ikam piom i, muŋgu Anutu kwoono bizin tizzo ka sua. Mi tirru ka ŋgar mi tikamam kinkiini be tiute kat ka uunu. Ko Anutu ikamke zin tomtom ŋiizi? Mi uraata tana ko ipet be parei? Pa Bubunana ki Kriŋi ta imbotmbot la lelen na, ipatoonjo zin pa, mi izzo zin ta kembei: Kriŋi, ni kola ibaada pataŋana boozomen mi ire yoyouŋana, mi kaimer to ikam zaana biibi.✧ ¹² Mi Anutu iswe ŋgar kini turkeŋana pa kwoono bizin ma iso zin ta kembei: Sua kizin tana ko irao iur ŋonoono pa mazwaana kizin na som. Ko imbot ma mazwaana kiti, to iur ŋonoono. Sua tana imbot la uruunu ambaiŋana ta tisoyaara piom. Bubunana Potomŋana ta imbot saamba mi Anutu iŋgo i ma isu, ta ipombol zin tomtom ma tiso yom pa. Mi kere. Kampeŋana tabe ise tiom i, zin aŋela lelen ilip be tiute tomini.✧

Iti tewe Anutu wal kini kek. Tana matanda iŋgal be takam mbulu potomŋana men

¹³ Tana kuurpe ŋgar tiom, kagabizbiizi ituyom, mi ku'urur kat motoyom pa kampeŋana biibi tabe ise tiom i. Kampeŋana tana, Yesu Kriŋi isombe imiili ma imar, to ipet kat mat.✧ ¹⁴ Muŋgu, niom kakankaana pa Anutu, tana niyom izze pa koron soroksorok boozo. Mi iŋgi kewe Anutu lutuunu bizin ta tilenlen la sua kini na kek. Tana kezem leleyom sananŋana ma ikam peeze piom mini pepe.✧ ¹⁵⁻¹⁶ Pa Anutu ta iboobo yom ma kewe lene

✧ **1:10-11:** Un 49:10; Mbo 22; Yesa 53; Mt 13:16+; Lu 24:26+; 2Pe 1:21 ✧ **1:12:** Njo 2:4,11; Ep 3:8+; Ibr 11:13,39+ ✧ **1:13:** Lu 12:35, 21:34; Ro 13:13; Ep 6:14; 1Tes 5:6+ ✧ **1:14:** Ro 12:2; Ga 5:16+; Ep 2:3, 4:17+

na, ni potomɲana. Tana niom ta kembena, kakam mbulu ta potomɲana men. Bela mbulu tiom ipa ndel, mi kewe Anutu lene kat. Pa tibeede sua pataaɲa kek ta kembei:

Nio potomɲoɲ. Tana niom ta kembena. Kewe potomɲoyom.✧

¹⁷ Anutu ta kuzunɲuɲ pini mi kawatwaati be Tomoyom na, ni ilae ki tomtom sa som. Sombe itiiri zin tomtom, na iurur kadoono pa tomtom ta boozomen ikot mbulu kizin kizin. Tana mazwaana ri ta so kombotmbot su toono ti, na komoto i mi kelenɲ la kalɲaana. Pa toono ti, kar tiom ɲonoono som. Ingi kewe leembe pa men.✧

Anutu inɲiimi iti pa Krisi siɲiini ma tewe lene

¹⁸ Munɲu, niom kototo mbulu soroksorok ki tumbuyom bizin ta ɲonon somɲan i. Tamen Anutu inɲiimi yom ma kewe lene, tana kamap pa mbulu tana kek. Mi niom kuute: Koronɲ ta ni inɲiimi yom pa na, ina izanzaana kembei ta gol ma silba na som.✧ ¹⁹ Kadoono ta ni inɲiimi yom pa na, biibi mi zanaaɲana kat. Pa kadoono tana na, Krisi itunu siɲiini. Ni kembei sipsip lutuunu ndabokɲana kat. Koronɲana sa isaana som.✧ ²⁰ Munɲu kat, indeeɲe Anutu iur saamba mi toono zen na, leleene iur pa Krisi kek, be inɲo i ma imar mi ikamke iti. Mi indeeɲe mazwaana kaimer kana ta tinɲi na, Anutu iswe i ma ipet mat bekena iuulu yom.✧ ²¹ Mi ipei Krisi ma imaɲa mini pa naala, mi ipakuri ma

✧ **1:15-16:** Wkp 11:44+; Mt 5:48; Lu 1:74+; 2Kor 7:1; Ibr 12:14

✧ **1:17:** Ro 2:11; Pil 2:12, 3:20; Ibr 11:13+ ✧ **1:18:** 1Kor 6:20

✧ **1:19:** Kam 12:5; Yo 1:29+; Ngo 20:28; 1Kor 5:7; Ibr 9:12+; Tur 5:9

✧ **1:20:** Ga 4:4; Ep 1:4; Kol 1:26; Ibr 9:26

zaana iwe biibi kek. Mi Krisi ta iwe zaala piti ma tuurla ki Anutu. Tana inġi urlaġana tiom ila ki Anutu, mi kapase pini, mi ku'urur motoyom pa koronġ ambaiġana tabe ni ikam piom i.✠

Tuur kat lelende pizin toġmatiziġ kiti ta ki Krisi i

²² Niom kakan la sua ġonoono mi koto kek. Mi ina ikam yom ma leleyom inġeeze, mi ku'urur leleyom pizin toġmatiziġ tiom ta ki Krisi i. Tana motoyom inġal be kikiskis kat mbulu ki lelende par piti. Bela kuur kat leleyom pizin toġmatiziġ tiom ta ki Krisi i. Kakam pakaamġana pa pepe.✠

²³ Pa koronġ ta Anutu ipaaza sula leleyom, ta itooro yom ma kewe popoġoyom kek. Koronġ tana irao be isaana, som imap na som. Pa ina Anutu sua kini mata yaryaaraġana tabe imbot ma alok i.✠ ²⁴ Ka sua imbot pataaġa kek ta kembei:

Tomtom ta boozomen, zin kembei ta mbutmbuutu.

Mi koronġ boozomen ta ikam zin ma zan bibip, ina kembei ta manman pwoono.

Mbutmbuutu imelle, mi manman pwoono titop-top.

²⁵ Tamen Merere sua kini, ina imbol mi imbotm-bot ma alok.✠

Sua tana imbot la uruunu ambaiġana ta tisoyaara piom.✠

✠ **1:21:** Yo 14:6; Ngo 2:24; Pil 2:9 ✠ **1:22:** Yo 13:34+; Ro 12:9+; 1Tim 1:5; 1Yo 3:18 ✠ **1:23:** Lu 8:4+; Yo 1:13; Yems 1:18; 1Yo 3:9 ✠ **1:25:** Mbo 90:5+, 103:15, 119:89; Yems 1:10+ ✠ **1:25:** Mt 5:18, 24:35; Yo 1:1,14; 1Yo 1:1+

2

Takam kinkiini pa kini ambaijana ta ki Bubujana i

¹ Tana kezem mbulu sananjan ta boozomen ma timboren lup, mi kamap pa mbulu pakaamjan ta boozomen. Mi mbulu ambaijana ta so kakam, na kakam kat raama leleyom. Kakam pakaamjana pa bekena tomtom tire mi tiwit uruyom pa na pepe. Mi motoyom mburmbur mini pepe, mi kipiri sua sananjana sa pizin tomtom mini pepe.✧

² Ku'urur leleyom pa kini nonono ta ki Bubujana i, kembei ta pikin sinjan lelen ilip pa tui ki nan bizin. Naso urlajana tiom izze, mi ila ila ma kewe kolman pa, mi kere ulaaja ki Anutu iur nonono piom. ³ Pa niom kotoombo Merere kampejana kini mi kayamaana ka mbyeene kek.✧

Wal ki Krisi tiwe kembei Urum Merere be Bubujana imbot lela

⁴ Tana kamarmar koloujana pa Krisi bekena ipombol yom. Pa ni kembei pat mboljana ta mata yaryaaranjana i. Nonono, tomtom tititi. Mi Anutu, ni ire i kembei ni zaananjana, mi leleene pini ilip. Mi ni ta ipeikati pa uraata kini.✧ ⁵ Niom tomini kewe kembei pat mata yaryaaranjan ta Anutu iwwo urum kini pa be Bubujana imbot lela. Naso kewe potomjoyom, mi kewe kembei patoronjana ka tomtom bizin. Mi Yesu Krisi ko iwe zaala piom be kakam patoronjana ta Anutu leleene pa

✧ **2:1:** Mt 23:5+; Ep 4:22,25; Kol 3:8+; Ibr 12:1; Yems 1:21 ✧ **2:3:** Mbo 34:8; Ibr 6:5 ✧ **2:4:** Mbo 118:22; Mt 21:42

i. Patoronꝓana tana na, mbulu ta Bubunꝓana ipiy-otyooto i.✠ 6 Ka sua ta tibeede pataaꝓa kek:

Re. Nio aꝓur pat zaanaꝓana ta isu abal Sion.

Pat tana, nio ituꝓ aꝓpeikati be iwe pat mataana kana mi ruumu mbuleene ise.

Mi zin tomtom ta so tipase pini mi tiurla kini, na tasa ko ka mianꝓ na som.

Zin ta boozomen ko nin se. Pa zin kola tire urlaꝓana kizin ka ꝓonoono.✠ 7 Niom wal ta kuurla na, kere pat tana kembei koronꝓ biibi mi koronꝓ ꝓonoono. Mi zin wal tau lelen be tiurla kini som na, sua lwoono ru indeeꝓe kat zin:

Pat tau zin ruumu ꝓonꝓana kan matan repiili mi tipiri lae lene na,

pat tamen tana ko iwe pat mataana kana be ruumu mbuleene ise.✠

8 Pat tana, tomtom pakan ko titutkat kumbun la, mi tisursur ma tila.

Mi pakan na, pat tana ko ikam zin ma titoptop.

Titoptop paso, tizorzooro Anutu sua kini. Mbulu tana, Anutu iur pizin pataaꝓa kek.✠

Anutu wal kini tiwe kembei patoronꝓana ka tomtom bizin ta timbesmbeeze pa king biibi

9 Mi niom na, Anutu ipeikat yom, mi ikam yom ma kewe wal tamen kek. Niom kembei patoronꝓana ka tomtom bizin ta timbesmbeeze pa king biibi. Mi niom wal potomꝓoyom, mi

✠ **2:5:** Kam 19:6; Ro 12:1, 15:16; 1Kor 3:16; Ep 2:21+; Ibr 13:15+; Tur 1:6 ✠ **2:6:** Yesa 28:16; Ro 9:33; Ep 2:20 ✠ **2:7:** Mbo 118:22; Mt 21:42 ✠ **2:8:** Yesa 8:14+; Lu 2:34, 20:18; Ro 9:22,33; Yud 4

Anutu itunu wal kini. Ni iboobo yom ma kezem zugut ka mbulu, mi kelela mat kini ndabokɲana leleene kek, bekena kosoyaara mbulu kini ndabokbokɲan ta ni ikamam piom na.✧ ¹⁰ Muɲgu niom kewe Anutu wal kini som. Mi koozi, ni ilup yom ma kewe wal kini potomɲan. Muɲgu, kakam muɲaiɲana kini som. Mi koozi na, kakam muɲaiɲana kini kek.✧

Tapa pai kiti ma ambai men pizin wal tau tiurla som na matan

¹¹ O niom wal tio, toono ti, iɲgi kar tiom ɲonoono som. Iɲgi kewe leembe pa men. Tana aɲso aɲpombol yom be kamap kat pa mbulu sananɲan boozomen ta niyom izze pa i. Pa mbulu mi ɲgar ta kembei, ta ipasansaana kunuyom mata yaryaaraɲana.✧ ¹² Motoyom iɲgal be kapa pai tiom ma ambai men pizin wal tau tiute Anutu som na matan. Nonono, zin tiɲgalɲgal sua piom ma tizzo niom kakamam mbulu sananɲana. Tamen sombe tire mbulu ambaimbaiɲan ta kakamam, inako ikam ma titooro lelen. To Anutu isombe imar be iur kadoono pizin tomtom, na zin tomini ko tipakur zaana.✧

*Tombot la zin bibip kopon mbarman
(Ro 13:1-7; Ep 5:22-6:9; Kol 3:18-4:1)*

¹³ Wal boozomen ta tiur zin be tikam peeze piti na, niom kozo kombot la kopon mbarman mi kototo tutu kizin. Pa niom kewe Merere lene

✧ **2:9:** Kam 19:5+; Kol 1:13; Tur 5:10 ✧ **2:10:** Ro 9:25+ ✧ **2:11:** Mbo 39:12; Ro 8:13; Ga 5:16+; Pil 3:20; Ibr 11:13+; Yems 4:1 ✧ **2:12:** Mt 5:16; Ro 12:17; 2Kor 8:21; Pil 2:15; Tit 2:8; 1Pe 3:16

kek. Tana Kaisa ki Rom na, kombot la kopo mbarmaana. ✧ ¹⁴ Mi zin wal ta ni iur zin be timboro lele pakan, mibe tiur kadoono pizin wal sananjan, mi tipakur zin wal ambaimbainjan na, zin tomuni, ko-zooro zin pepe. Kombot la kopon mbarman. ¹⁵ Pa Anutu, ni leleene be kakam mbulu ambainjana men. Naso kupumun zin wal ta tingalngal sorok sua piom i kwon, ma sua kizin kankaanajana tana imap. ✧ ¹⁶ Nonoono, Krisi ikam yom ma kewe mbesooŋo mini som. Mi kere: Kokena koso ta kembei: “O, iŋgi anjboro ituŋ. Tana sombe leleŋ be ankam mbulu sananjana sa, na irao ankam.” Kakam njar kembena pepe. Bela kakam mbulu tiom kembei Anutu mbesooŋo kini. ✧ ¹⁷ Tana leyom nger pa tomtom ta boozomen, kuur leleyom pizin tonmatiziŋ tiom ta ki Krisi i, komoto Anutu mi keleŋ la kaljaana, mi leyom nger pa Kaisa ki Rom. ✧

Sua ta ila pizin mbesooŋo
(*Ep 5:22–6:9; Kol 3:18–4:1*)

¹⁸ Niom mbesooŋo na, kokototo ituyom, kombot la bibip tiom kopon mbarman, mi leyom nger pizin. Sombe zin ambaimbainjan mi tizzo sua luumuŋana piom, som zin sananjan mi tikeke piom, na tonjo. Kombot la kopon mbarman, kembeeze pizin, mi leyom nger pizin. ✧ ¹⁹ Pa tomtom sa, sombe ikamam njar pa Anutu, mi iwe le uunu be tomtom tiseeze sorok mataana mi tikam yoyouŋana pini, mi sombe ni ibaada

✧ **2:13:** Mt 22:21; Tit 3:1 ✧ **2:15:** Tit 2:8; 1Pe 2:12, 3:16 ✧ **2:16:** Ro 6:18; 1Kor 7:22; Ga 5:13; 2Pe 2:19 ✧ **2:17:** Tut 24:21; Mt 22:21; Ro 12:10; Ibr 13:1; 1Pe 1:22 ✧ **2:18:** 1Tim 6:1+; Tit 2:9+

pataŋana tana ma imap, inako Anutu leleene ambai pini mi ipakuri. ²⁰ Mi sombe kakamam mbulu sananŋana, mi tibalis yom mi kabaada pataŋana pa, ko tomtom sa iwit uruyom pa uunu tana? Som. Tamen sombe kakam mbulu ambaiŋana mi kabaada pataŋana pa, na Anutu ko leleene ambai piom mi ipakur yom.✧

Toto Yesu kumbu tuunu

²¹⁻²² Pa Anutu, ni iboobo yom be kakam mbulu ta kembena. Naso koto Krisi kumbu tuunu. Kere. Krisi, ni ikam sanaana sa som, mi pakaamŋana sa ipet pa kwoono som. Tamen ibaada pataŋana biibi kat beken a iuulu yom. Mbulu kini tana iwe kin piom pa mbulu tabe koto.✧ ²³ Indeeŋe ta tipiri sua sananŋana pini, na ni ipekel som. Mi tibalisi ma ire yoyouŋana, tamen ikam sua pamotoŋana sa pizin som. Pataŋana kini tana, ni izem la Anutu namaana. Pa ni ta itirtiiri zin tomtom mi iurur kadoono ndeeŋeŋana pizin ikot mbulu kizin kizin.✧ ²⁴ Tana Krisi ibaada sanaana kiti, mi kuliini ire yoyouŋana sala ke pambaaraŋana, beken a tamap pa sanaana kamŋana mi takam mbulu ndeeŋeŋana men. Zaaba ta tikam pini na, kwon murinmurin ta iurpe yom.✧ ²⁵ Munŋu niom kembei sipsip ta tisaŋsaŋ pa zaala. Mi koozi na, kotooro yom, mi kimiili ma kamar ki Krisi kek. Mi ni ta imborro yom mi mataana piom kembei ta mboronŋan kizin sipsip.✧

✧ **2:20:** 1Pe 3:14,17, 4:14+ ✧ **2:21-22:** Yesa 53:9; Mt 16:24; Yo 13:15; Nŋo 14:22; 2Kor 5:21 ✧ **2:23:** Mt 27:39; Ro 12:19; 1Kor 13:5; 1Pe 3:9 ✧ **2:24:** Yesa 53:5; Ro 6:10+; Ibr 9:28 ✧ **2:25:** Yesa 53:6; Mt 9:36; Yo 10:14; Ibr 13:20

3

Mbulu tabe takam pa kusindi bizin

¹⁻² Mi niom moori ulanoyom ta kembena. Kokototo ituyom mi kombot la kusiyom bizin kopon mbarman. Mi sombe zin pakan tizorzooro yom pa sua ki Merere, ina ambai. Kezem sua pizin. Pa zin ko tirre mae pa mbulu tiom ingeeze men, mi leyom nger pizin, mi komototo Anutu mi kelenlej la kaljaana. Tana mbulu tiom ambaijana tana ko iyaaru zin ma tiwe Krisi lene. ³⁻⁴ Kakam ngar biibi pa aigau mat kana be ipengeeze runguyom pepe. Pa mbulu kembei kumbuk uteyom ruunu, som kuur aigau milmiljana ila kuliyom, som kezeebe yom pa mburu ndabokbokjan, ina koron sorok ki kuliyom. Mi niom kozo kakam kinkiini pa aigau nonoono ta leleyom kana i. Pa sombe leleyom lumunoyom mi manneyoyom, na mbulu tiom tina ko iwe kembei aigau nonoono piom. Aigau ta kembena, ko imbotmbot ma alok. Mi Anutu ire kembei koron biibi mi koron nonoono. ⁵ Mungu zin moori ta tiwe Anutu lene mi tipase pini, mi tiurur matan pini na, tiurur aigau ta kembena. Pa tikototo zitun mi timbotmbot la kusin bizin kopon mbarman. ⁶ Kakam ngar pa Sara. Ni ilenlej la kusiini Abaraam kaljaana, mi iwatwaati be biibi kini. Mi niom kewe ni lutuunu moori bizin kek. Tana kakamam mbulu ambaijana men. Mi sombe koron pakan ikam yom ma komoto, na kakam ngar pa pepe. Kapase pa Anutu. Naso koto Sara pa mbulu kini. ^{*}

^{*} **3:1-2:** 1Kor 7:14+; Kol 3:18; Tit 2:5 ^{*} **3:3-4:** 1Tim 2:9+ ^{*} **3:6:** Un 18:12

⁷ Mi niom tomooto ta kembena. Kombotmbot raama kusiyom bizin na, kakam ngar pizin mi leynom nger pizin. Kokena kakam njoobo mbulu pizin, to ipakaala sunjana tiom. Pa niom kuute: Zin mburan biibi som. Tamen zin tomuni zan be tikam kamperjana ki Anutu mi mbotjana mata yaryaaranana kembei ta niom na. Tana kakam kat mbulu pizin.✧

Krisi wal kini bela tilup lenen mi ngar kizin ma iwe tamen

⁸ Ayo. Ingi be anpemet sua tio. Niom ta boozomen bela kulup leleyom mi ngar tiom ma iwe tamen. Sombe tomtom tiom pakan lenen ipata, na kagaaba zin pa patajana kizin. Mi sombe lenen ambai, na niom tomuni leleyom ambai. Ku'urur leleyom par piom kembei ta zin tonmatizij, mi kaparkampewe yom, mi kaparmunajai yom. Mi kakam ngar biibi pa ituyom zoyom pepe. Kokototo ituyom.✧ ⁹ Mbulu sananjanana na, kopokot pepe. Mi sombe wal pakan tipiri sua sananjanana piom, na kepekel pepe. Kusun Anutu be ikampe zin. Pa Anutu iboobo yom ma kewe lene bekena kakam mbulu ta kembena. Naso kamperjana kini ise tiom.✧ ¹⁰ Pa sua imbot patajana kek ta kembei:

Tomtom ta so leleene be imbot ambai su toono ma molo, raama leleene ambai, na bela imboro kat kwoono.

Kokena sua sananjanana sa, som pakaamjanana sa ipet pa kwoono.✧

✧ **3:7:** 1Kor 7:3; Ep 5:25; Kol 3:19; 1Tes 4:4 ✧ **3:8:** Lu 6:36; Ro 12:10,16; Pil 2:1+; Kol 3:12 ✧ **3:9:** Mt 5:44; Ro 12:14; 1Tes 5:15

✧ **3:10:** Mbo 34:12+; Yems 1:26

11 Mi bela ipizil ndemeene pa mbulu sananjanana, mi ikam mbulu ambaijanana men.

Mi ikam kinkiini pa mbulu luumuḡana, mi iru za-ala be ziḡan tomtom ta boozomen tiparlup zin ma timbot ambai.✧

12 Pa wal ndeeḡeḡan na, Merere mataana pizin. Tamen zin wal ta tikamam mbulu sananjanana na, ni iurur koi pizin.

*Sua ta ila pizin wal ta tibaada pataḡana pa Kri-
zaana*

13 Niom sombe kakam kinkiini pa mbulu ambaijanana, na asiḡ ko irao be ipasaana kat yom? Som.✧ 14 Tamen sombe kakam mbulu ndeeḡeḡana mi tiseeze motoyom pa, na leleyom ambai men. Pa kampeḡana ki Anutu ko imbotmbot se tiom. Tana sombe tomtom tikam mbulu sa be tipamoto yom, na komoto pepe. Mi kakam ḡgar boozo ma kopoyom irru pa pepe.✧ 15 Kakam Kri-
si ma iwe biibi pa leleyom. Mi kuurpe ḡgar tiom pa mazwaana ta boozomen. Beso tomtom sa iwi yom pa uunu tau kapase pa Kri-
si mi ku'urur motoyom pini, nako karao be kepekel kat wiḡana kini.✧ 16 Mi motoyom iḡgal be koso sua luumuḡana men pini, mi leyom ḡger pini. Mi kapa pai tiom ma ambai men pa Anutu mataana. Beso wal pakan tiḡgal sua piom, mi tipasaana zoyom pa uunu tau kewe Kri-
si lene mi kototo mbulu kini, na mbulu tiom tana ko ikam zin ma kan miarḡ pa sua kizin.✧ 17 Tana sombe Anutu leleene be tabaada pataḡana

✧ 3:11: Mbo 37:27+; Yesa 1:16+; Ibr 12:14 ✧ 3:13: Ro 8:35+

✧ 3:14: Mt 5:10, 10:28; 1Pe 2:20, 4:14 ✧ 3:15: Mbo 119:46; ḡḡo

4:8+; Kol 4:6 ✧ 3:16: Tit 2:8; Ibr 13:18; 1Pe 2:12

pa mbulu ambaijana ta takamam, ina ambai. Mi tere iti. Kokena takam mbulu sananjana mi tabaada patanana pa. Pa mbulu ta kembei, ina ambai som. Ina tapasaana Krisi uruunu.*

Krisi, ni tomtom ndeejenana. Tamen ibaada patanana beken ikam ti ma tala ki Anutu

¹⁸⁻¹⁹ Kakam ngar pa Krisi. Ni tomtom ndeejenana. Tamen ikam iti tomtom sananjananda murindi, mi ibaada patanana ma ire yoyoujana pa sanaana kiti, beken ikam ti ma tala ki Anutu. Mi uraata kini tana, ni ikam pa tamen mi imap. Kaimer ko irao ikam mini na som. Tana ni isu toono ma iwe tomtom, mi tipuni ma imeete. Mi Bubujana ipei i ma imanja mini, to ila ma ikam sua pizin bubujan ta tizeebe zin lela ruumu sanaana leleene na. *²⁰ Zin bubujan tana, ta munju tizooro Anutu sua kini indeenje gorgor ki Noa na. Tamen Anutu iur kadoono pizin karau som. Inamnaama Noa ma iposop woongo pojana ma imap kat, to iur kadoono pizin. Zin wal ta tilela woongo leleene na, boozo pe som. Wal lamata tel men. Mi yok isur zin ma tila, tabe iwe zaala pizin ma Anutu ikamke zin ma timbot ambai.*

* **3:17:** 1Pe 2:20 * **3:18-19:** Sua ti ka ngar imbot mat som. Tamen wal ngarjan pakan tiso ko ka uunu ta kembei: Zin anjela sananjan ta tito Sadan mi zijan titop na, tikam zooronana biibi kat pa gorgor ki Noa mi tipei mbulu sananjan boozo (Re Un 6:5). Tana Anutu iur zin lela ruumu sanaana be tinaama sua pa mberj kaimer (re 2Pe 2:4). Indeeje Krisi imanja mini pa naala mi isala pa saamba na, ila kizin bubujan sananjan tana, mi isoyaara sua pizin ta kembei: Ni ilip pa Sadan mi zin kek. * **3:18-19:** Ro 5:6, 8:11; 2Kor 13:4; Ibr 9:15,28; 1Pe 4:6 * **3:20:** Un 6:5-7:24

21 Mbulu tina iwe kin pa yok kamņana ta koozi ikamkewe yom na. Ingi anso pa mbulu tau yok ise kulindi mi inguuru muk ma isu na som. Pa yok kamņana ka ngar nonoono ta kembei: Anutu ipus ti ma lelende ingeeze, mi tumbuk sua be toto Anutu zaala kini.✧ 22 Mi ina ikamke yom paso, Anutu ipei Yesu Krisi ma imanja pa naala, mi isala pa saamba kek. Tana koozi, Krisi imbotmbot la Anutu namaana woono, mi zin aņela ziņan zin bubuņan ta zanuņan mi mburanņan na, timap timbot la ni kopo mbarmaana.✧

4

Mbulu kizin wal tau tiwe popoņan

1-2 Tana Krisi izem itunu, mi ibaada pataņana ma ire yoyouņana pa kuliini. Mi niom ta kem-bena. Kakam ngar kini tana ma iwe leyom. Naso iwe kembei mburu malmal kana be ipakaala yom pa toomboņana. Pa tomtom ta so ibaada pataņana mi ire yoyouņana pa kuliini, na sanaana ko irao imboro i mini na som. Mi ko niini izze pa mbulu sananuņana mini som. Ko itoto Anutu leleene. Mi ko ikamam ta kembei ma irao swoono imap.✧ 3 Mbulu soroksorok tau zin wal matan munņan lelen pa i, na niom kakam irao kek. Pa muņgu karao be kayaraama ituyom som, mi niyom izze pa mbulu bozboozo. Ku'urur nol, kiwinin ma kakankaana, kakamam mailaņ, kulu-plup yom pa winņana, mi kembesmbeeze pizin merere pakaamņan tau tutu ki Anutu ingalsek

✧ **3:21:** Ro 10:10; Ep 5:26; Tit 3:5; Ibr 10:22 ✧ **3:22:** Mbo 110:1; Ro 8:34,38; Ep 1:20+ ✧ **4:1-2:** Ro 6:2,7,11, 12:2; 2Kor 5:15; Ga 2:20, 5:24; Ibr 12:1; 1Pe 2:21

pizin na.✠ 4 Mi koozi na, waeyom bizin tika-
mam ngar boozo piom. Pa ingi kagabgaaba
zin ma niomņan kolonloondo pa mbulu kizin
sanannan mini som. Tanata tiwirri sua sanannan
boozo piom.✠ 5 Tamen Tiirinņana Katuunu tabe
iur kadoono pizin wal meeteņan mi wal matan
yaryaaraņan i, ni iurur mataana ma imbotm-
bot. Mi molo som to zin timender su kereene
uunu, mi tiso uunu kizin kizin ma ileņ.✠ 6 Mi
Anutu, ni leleene be tomtom tikam mbotņana
mata yaryaaraņana kembei ta ni itunu. Uunu tina
ta wal kiti pakan tileņ uruunu ambainņana muņgu,
mana timeete. Timeete paso, tomtom boozomen
ki toono ti na, meeteņana ta iwe len kadoono pa
sanaana kizin. Mi wal tana kunun na, timbot
matan yaryaara.✠

*Tuurpe itundu mi matanda ingal uraata ta Anutu
iur mar namanda*

7 Ingi koronņ ta boozomen swon igarau kek. Tana
kakam kat ngar, mi kagabiizi ituyom. Naso karao
be kusonņ kat.✠ 8 Mi mbulu ta ilip kat na, mbulu ki
lelende par piti. Tana kikiskis kat mbulu tana. Pa
ina ikam ti ma matanda imbiriizikaala sanaana
boozomen ta tomtom tikamam piti na, ma takam
ngar pa mini som.✠ 9 Mi mbulu ki leembe kamņana
na, niyom gesges pa pepe. Kakamam mi kikiskis.✠

10 Anutu, ni ikampe yom, mi iur leyom uraata
matakina ta ki Bubunņana i ma ikot yom tataņa.

✠ **4:3:** Ro 13:12; Ep 2:2+, 4:17+; Tit 3:3 ✠ **4:4:** 1Pe 3:16 ✠ **4:5:**
Ngo 10:42; 2Tim 4:1; Yems 5:9 ✠ **4:6:** Ro 6:23, 8:10; 1Pe 3:19
✠ **4:7:** Mt 24:13+; Lu 21:34; Ro 13:11+; Pil 4:5; 2Pe 3:9 ✠ **4:8:**
Tut 10:12; 1Kor 13:7; Kol 3:14; Ibr 13:1; 1Pe 1:22 ✠ **4:9:** Ro 12:13;
2Kor 9:7; Ibr 13:2

Tana uraata pareiņana ta so ni iur piom, na motoyom iņgal be kakam mi ku'uulu zin tomtom pa. Naso kewe mbesooņo ambaimbaiņan ki Anutu, mi kewe zaala pa waeyom bizin be kampeiņana ki Anutu ise kizin.✧ ¹¹ Tana sombe tomtom sa, ni le uraata be ikam sua ki Anutu pizin tomtom, na mataana iņgal be iso Anutu sua kini men. Kokena izzo pa itunu nņar kini. Mi sombe tomtom sa, ni le uraata be imbeeze pizin tomtom, na bela ikam uraata tana pa mburaana ta imarmar pa Anutu na. Tana motoyom iņgal be kakamam ta kembei. Naso mbulu tiom ta boozomen ikam zin tomtom ma tipakur Anutu pa Yesu Krisi zaana.

Krisi, ni zaana mi mburaana biibi. Mi ko imbotmbot ta kembei ma alok. Nonoono.✧

Sombe tabaada pataiņana pa Krisi zaana, na lende ipata pa pepe

¹² O niom wal tio. Nonoono, iņgi pataiņana sanaiņana kat kembei ta you i itomtoombo urlaiņana tiom. Tamen kumurur pa pepe. Pa ina mbulu popoiņana som.✧ ¹³ Iņgi kagaaba Krisi pa pataiņana kini. Tana leleyom ambai mi kabaada men. Mi kaimer, sombe ni iswe mburaana mi zaana biibi ma ipet kat mat, to niom ko leleyom ndabok ma ndabok kat.✧ ¹⁴ Sombe tipiri sua sanaiņana piom pa uunu tau kezzwe Krisi zaana, na leleyom ambai men. Pa kampeiņana ki Anutu ko imbotmbot se tiom mi Anutu Bubuņana ta izzwe mburaana piti i, ko imbotmbot raama yom.✧ ¹⁵ Mi

✧ **4:10:** Mt 25:14; Ro 12:6+; 1Kor 12:7+; Ep 4:11+ ✧ **4:11:** 1Kor 3:10, 10:31 ✧ **4:12:** Nņo 14:22; 2Tim 3:12; 1Pe 1:6+ ✧ **4:13:** Nņo 5:41; Ro 8:17; Pil 3:10; Kol 1:24; 1Pe 1:5+; Tur 1:9 ✧ **4:14:** Mbo 89:50+; Mt 5:11, 10:22; 1Pe 2:20

kere. Kokena kupun tomtom sa ma imeete, som kekem, som kese leyom sua kizin wal pakan, som kakam mbulu sananņana toro sa. Pa sombe tiseeze motoyom mi kabaada pataņana pa uunu ta kembei, ina ambai som. Pa ina kapasaana Krisi uruunu. ¹⁶Tamen sombe tomtom tikam pataņana piom pa uunu tau kototo Krisi, na koyom mianj pa pepe. Niyom se mi leleyom ambai pa Anutu, mi kapakuri pa Krisi zaana ta ise tiom kek na.✠

¹⁷Iti wal ta tewe Anutu lene kek na, nol tabe ni itiiri iti pa mbulu kiti mi iur kadoono piti i, ta imar ipet kek. Pa ni isombe ikam piti munġu, mana ikam pizin wal pakan. Mi sombe ni itiiri iti pa mbulu kiti mi iur kadoono piti, inako parei pizin wal tau tizorzooro uruunu ambaiņana ki Anutu? Ko timbot? Som.✠ ¹⁸Pa sua ki Merere iso ta kembei:

Zin wal ndeenņan na, zaala tabe Anutu ikamke zin pa i, na ipata pizin be tito.

Mi so kembena, na parei pizin wal sananņan tau tizorzooro Anutu na? Ko mbulu pareiņana ipet pizin?✠

¹⁹Tana, sombe Anutu leleene be niom pakan kabaada pataņana pa Krisi zaana, na motoyom inġal be kikiskis mbulu ambaiņana, mi kuur ituyom ila ni namaana. Ni ko mataana piom. Pa ni ta iur yom, mi mataana inġalņal sua kini mbukņana.✠

✠ **4:16:** Pil 1:20 ✠ **4:17:** 2Tes 1:8 ✠ **4:18:** Tut 11:31; Lu 23:31

✠ **4:19:** Mbo 31:5; Lu 23:46; Nġo 7:59; 2Tim 1:12

5

Mboronjan bela timboro kat zin sipsip ki Anutu

¹ Ayo, nio leŋ sua pakan pizin mboronjan tiom. Mi niom mboronjan irao kelenj la kalŋonj. Pa nio tomini mboronjan kembei ta niom na. Mi patajana ta Kriŋi ibaada na, ituŋ aŋre kat pa motonj. Mi kaimer sombe Kriŋi iswe mburaana ma zaana ma ipet mat, nako itinjan tombotmbot raami lela azuŋka kini leleene. ✧ ² Anutu, ni iur uraata ima nomoyom kek be komboro zin sipsip kini. Tana motoyom pizin mi komboro kat zin. Mi uraata tiom tana, kokena timaŋmaŋ yom pa ma kakam. Motoyom siŋsiŋ pa mi kakam raama leleyom. Naso koto Anutu leleene. Mi kakam ŋgar biibi pa leyom kadoono pepe. Pa ŋgar ta kembei, ina ambai som. ✧ ³ Zin wal ta Anutu iur zin ima nomoyom be komboro zin na, kokoto zin, mi kapakur ituyom ma kewe biibi pizin pepe. Mbulu tiom bela iwe kin ambaijana pizin sipsip ki Anutu be tire mi tito. ✧ ⁴ Beso Kriŋi tau mboronjan biibi ŋonoono kizin sipsip na, imiili ma imar mi ipet mat, na niom ko kakam leyom kadoono ambaijana ta irao isaana, o imap na som. Pa niom ko kombotmbot lela azuŋka kini leleene ma alok. ✧

Tokoto itundu mi tezem patajana kiti ila Anutu namaana

⁵ Mi niom nanŋaŋ ta kembena. Kombot la zin mboronjan kopon mbarman. Niom ta boozomen irao kakam mbulu ki mbesoŋo ila niyom, mi

✧ **5:1:** Ro 8:17+; Tur 1:9 ✧ **5:2:** Yo 10:11+, 21:15+; Ngo 20:28; 1Tim 3:3; Tit 1:7 ✧ **5:3:** 1Kor 11:11; Pil 3:17; 1Tim 4:12; Tit 2:7

✧ **5:4:** 1Kor 9:25; 2Tim 4:8; Ibr 13:20; 1Pe 1:4

kokototo ituyom, mi kaparmbesmbeeze piom. Pa sua ki Merere iso ta kembei:
Zin wal ta tipakurkur zitun na, Anutu iurur koi pizin.

Mi zin wal tau tikototo zitun na, ni ikampewe zin.✧ ⁶ Anutu, ni mbura keskeezenana, mi namaana alalalana. Tana kapase pini, mi kezem ituyom ila ni namaana. Naso kaimer, sombe ka nol ipet, to ni ipakur yom.✧ ⁷ Mi patanana tiom boozomen tau kopoyom rru pa i ta kembena. Kezem la Anutu namaana. Pa ni ikamam ngar biibi piom mi mataana piom.✧

⁸ Kozo kakam kat ngar, kagabiizi ituyom, mi motoyom izze. Pa Tomtom Sanaana, ta koyom koi nonoono, ni iwwa kembei laion tau kalnana izalla mi irru tomtom be ikani.✧ ⁹ Tana kikiskis kat urlanana tiom, kemender mbolnana, mi koporou be kokoto i. Pa niom kuute: Tonmatizij tiom ta ki Krisi i, tibadbaada patanana kembei ta niom na irao lele ta boozomen.✧

Sua pombolnana

¹⁰ Anutu ta kampenana katuunu, ni iboobo yom ma kewe Krisi lene kek, bekeno ikam yom ma kala kombot raami lela azunka kini leleene ma alok. Patanana ta kabadbaada i, ko imbot rimen mi imap. Mi kaimer na, Anutu itunu ko iurpe yom ma karao kat pa mbulu kini, mi ipombol yom be kemender mbolnana ma irao kosa sa itok yom

✧ **5:5:** Mt 23:12; Yo 13:14; Ep 5:21; Pil 2:3; Yems 4:6 ✧ **5:6:** Lu 1:52, 18:14; Yems 4:10 ✧ **5:7:** Mbo 37:5; Mt 6:25+; Pil 4:6 ✧ **5:8:** Lu 21:36, 22:31; 2Kor 2:11; 1Tes 5:6; Tur 12:12 ✧ **5:9:** Ngo 14:22; Ep 4:27, 6:11+; Yems 4:7

mini som. ✧ 11 Ni mbura keskeezenjana, mi peeze kini imbotmbot ma alok. Nonoono.

Sua pemetjana

12 Silas ta iuulu yo ma anbeede ro katjaari ti ima piom na, nio anre i kembei tonmatizin tio nonoono ta iurla kat ki Krisi i. Ro ti, nio anbeede bekena anpaute yom pa kampejana nonoono ki Anutu, mibe anpombol yom ma kakis kat kampejana kini tana. ✧

13 Zin tomtom tau Anutu ipeikat zin ma tiwe lene kembei ta niom, mi timbotmbot kar Babilon ti na, * tikam aigule kizin piom. Mi lutuḡ Markus tomini ikam aigule kini piom. ✧

14 Niom ta boozomen leleyom par piom mi kartege nomoyom.

Niom wal ta kewe Krisi lene kek mi kesekap la kini na, Anutu ko imboro yom ta boozomen ma kombot ambai men. Nonoono. ✧

✧ **5:10:** 2Kor 1:21, 4:17; 1Tim 6:12; Ibr 13:21; 1Pe 1:6 ✧ **5:12:** 2Kor 1:19; 1Tes 1:1 ✧ **5:13:** Wal ngarjan tiso Babilon ti imender pa kar biibi Rom. ✧ **5:13:** Ngo 12:12, 13:5,13, 15:37+; 2Tim 4:11 ✧ **5:14:** Ro 16:16

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593